

**ՀԱՍԱՆՎԱՅՐՆԵՐԻ ԴԻՆԱՍՏԻԱՆ ԵՎ ՆՐԱ
ՓՈԽ-ՀԱՐԱՐԵՐՈՒԹՅՈՒՆՆԵՐԸ ԲՈՒՆԵՐԻ ԴԵՏ (X-XI դ.)**

IX-X դդ. Աբբասյան խալիֆայության հպատակ երկրներում ավատատիրական հարաբերությունների արագ զարգացումը և կենտրոնական իշխանության աստիճանական քայքայումը մեծապես խթանեցին խոշոր ազնվականության անջատողական տրամադրությունների աճը: Աբբասյան խալիֆայությունում հատկապես իրանական տարրի ակտիվացումը և ստեղծված քաղաքական բարդ իրավիճակը նոր քափ հաղորդեցին նաև քրդական ցեղերի ռազմաքաղաքական գործողություններին: Եթե մինչ այդ քրդերի անկազմակերպ և տարերային ընդվզումները հիմնականում ներշնչված էին տնտեսական կապանքներից այս կամ այն չափով ազատվելու ձգտումներով, ուղղված էին արաբական գերիշխանության դեմ, ապա X դարից նրանց պայքարը ստանում է նոր որակ: Այլ կերպ ասած, օգտվելով խալիֆայությունում և տարածաշրջանում ստեղծված նպաստավոր պայմաններից, քրդական վերնախավը, ցեղակիցներին իր շուրջը համախմբելով, դուրս եկավ քաղաքական ասպարեզ, վարձեր կատարեց առանձին շրջաններում ինքնուրույնություն ձեռք բերել և ընդլայնել իր ազդեցության ոլորտները:¹

Այսպիսով, կենտրոնական իշխանության թուլացման հետևանքով X դարից խալիֆայության տարբեր վայրերում և հանգամանքների բերումով, մահմեդական դինաստիաների գլխավորությամբ պատմության քառերաբեմ դուրս եկան նաև մի շարք քրդական իշխանություններ, որոնք, ըստ էության, ավատատիրական հասարակությանը բնորոշ ժամանակավոր կազմավորումներ էին: Այդպիսի կազմավորումներից էր Հասանվայիների իշխանությունը Ջիրալում² (Արևելյան կամ իրանական Քարդիսասանում, X-XI), որի հիմնադիրն էր քրդական ալ-Քարզինիյա կամ ալ-Քարզիկան ցեղի առաջնորդ Հասանվայի իբն Հուսեյն ալ-Քուրդին (մահ. 979թ.), և որն էլ այն հայտնի է պատմությանը (Հասանվայիների կամ Հասնավայիների):

Հասանվայիների դինաստիան, որը հիշյալ տարածքում գոյատևեց ավելի քան կես դար (961-1015թթ.), սերտ հարաբերություններ ունեցավ, ամենից

առաջ, իրանական դելմիկ Բուիների⁷ իշխանության հետ, որը, ինչպես հայտնի է, բավականաչափ ազդեցիկ դեր խաղաց ոչ միայն քրդական այս դինաստիայի, այլև՝ Աբբասյան խալիֆայության քաղաքական կյանքում: Ուստի անկարելի է խռնել Հասանվայիների մասին՝ շրջանցելով նրանց և Բուիների ռազմաքաղաքական վախճարաբերությունները, որովհետև ի վերջո մենք գործ ունենք մի տարածքի և ժամանակահատվածի հետ, որում գործեցին երկու կողմերը: Դա Աբբասյան խալիֆայության համար խիստ բարդ մի ժամանակաշրջան էր, ուր քրդական և դալյամական խմբավորումները իրենց ակտիվ գործողություններով նոր թափ հաղորդեցին արևելամահմեդական աշխարհի, հատկապես իրանական այլ տարրերի հակաավատատիրական պայքարին և կենտրոնախույս ուժերի նկրտումներին⁴:

Հասանվայիների դինաստիայի և Բուիների հետ նրա ունեցած լիտահարաբերությունների պատմությունը մինչև օրս լուրջ ուսումնասիրության առարկա չի դարձել արևելագետների կողմից: Ելնելով իրենց աշխատությունների բնույթից՝ եվրոպացի հետազոտողները մեզ հետաքրքրող հիմնահարցերը կամ առհասարակ չեն լուսաբանել (Մտենիկ Լեն-Պուլ, Է. Յամբաոեր)⁵, կամ էլ դրանց անդրադարձել են մասնակիորեն (Կ. Կահեն, Վ. Սինոբուսի)⁶:

Խնդրո առարկա թեման քիչ թե շատ լուսաբանել են պատմաբաններ Մուհամմադ Ամին Ջաքին⁷ և Ջալիլա Նաջի ալ-Հաշիմին⁸, սակայն անհրաժեշտ չափով նրանք չեն օգտագործել սկզբնաղբյուրների նյութերը, պատմական լայն կտավի վրա չեն դիտարկել Հասանվայիների երևան գալու դրդապատճառները, գործունեությունը, բուի իշխանների հետ ունեցած հարաբերությունները և այլ կարևոր մի խումբ հարցեր:

Հասանվայիների դինաստիայի ռազմաքաղաքական և հարևան մահմեդական ամիրայությունների հետ հարաբերությունների պատմության զանազան հիմնախնդիրները լուսաբանելու համար եզակի և փաստական արժեքավոր տվյալներ են պարունակում ամենահիմնական սկզբնաղբյուրները՝ արաբալեզու մատենագիրների երկերը, որոնք էլ հանդիսանում են ներկա ուսումնասիրության հիմքը:

Ձիբալում և հարակից շրջաններում քրդական միջցեղային հակասությունների, կռիվների, ընդվզումների, ինչպես նաև Հասանվայիների գործունեության վերաբերյալ հույժ հետաքրքրական նյութեր են հաղորդում մասնավորապես Իբն Սիսքավային⁹ (X-XIդդ.), Աբու Շուջա՝ ստ-Ռուզրավարին¹⁰ (XIդ.), Իբն ալ-Ջաուզին¹¹ (XIդ.), Իբն ալ-Ասիրը¹² (XIIIդ.), Իբն Խալլուունը¹³ (XIVդ.), Իբն Զասիրը¹⁴ (XIVդ.) և ուրիշներ:

Նախ մի քանի խոսք Հասանվայիների դինաստիայի ձևավորման մասին: Պետք է ասել, որ նրա հիմնադրման որոշակի տարեթիվը հայտնի չէ: Մեզ հասած աղբյուրները Հասանվայի իբն Հուսեյն ալ-Քուրդիին առաջին անգամ հիշատակում են հիջրի 359 (969/70)թ. դեպքերը նկարագրելիս¹⁵: Շարաֆ խան Բիդլիսին նշում է, որ իշխանության հիմնադիր Հասանվայիը, պատմիչների մեծամասնության կարծիքով, եղել է Բուի իշխան «Ռուքն աղ-

Դատվայի ժամանակակիցը»¹⁶, այսինքն՝ այն նույն Բուի Հասանի, որը 935 թ. գրավեց Ջիբալը:

Պատմագրությանը հայտնի է, որ Հասանվայիի քեռորդները՝ Վինդադն ու Ղանիմը խոշոր ավատատերեր էին Ջիբալում: Վինդադը վախճանվեց հիջ. 349 (960/1)թ., իսկ Ղանիմը՝ հիջ. 350 (961/2)թ.: Վերջիններս շուրջ հիսուն տարի, համաձայն ստկա հաղորդումների, տիրեցին Համադանի, Դինավարի, Նեհավանդի, Սամադանի, Ատրպատականի որոշ շրջաններին՝ ընդհուպ մինչև Շահերգուրի սահմանները: Նրանցից յուրաքանչյուրն իր տրամադրության տակ ուներ մի քանի հազարանոց բանակ: Վինդադի և Ղանիմի մահից հետո, քրդական Շադիմջան ցեղի օգնությամբ, Հասանվայի իբն Հուսեյն ալ-Բուրդին գրավեց նրանց բոլոր «ամրոցներն ու տիրույթները»¹⁷: Դրանով, փաստորեն, քրդական ալ-Այյազանիյա ցեղի զբաղեցրած տարածքի վրա երևան եկավ Հասանվայիների դիմաստիան: Կարգավորելով իշխանության ներքին կյանքը, ինչպես նշում են արաբ մատենագիտները, Հասանվայիը ամենից առաջ «մրբագեղ քարերով կառուցեց Սարմաջ բերդը»¹⁸ և Դինավարում նույն շինարարական ոճով մի մզկիթ»¹⁹: Այս ամենը հիմք է ծառայում եզրակացնելու, որ Հասանվայիների իշխանության հիմնադրումը կարելի է համարել հենց 961/2 թ.²⁰: Իշխանության մայրաքաղաք հռչակվեց Դինավարը:

Նրա իշխանությունը տարածվեց Ջիբալի հիմնական քաղաքների՝ Համադանի, Դինավարի, Նեհավանդի և այլ շրջանների վրա, որի գոյության հետ հաշտվեց ոչ միայն Բաղդադի արքունիքը²¹, այլև Բուիները: Այնուամենայնիվ, Արևմտյան Իրանում և հարակից շրջաններում քիչ թե շատ ինքնուրույնություն ձեռք բերած Հասանվայի քրդերը սկզբից չէին երկյուղ էին կրում այդ տարածքները ներխուժած Բուիներից: Չնայած երկու կողմերի գործունեությունն այս կամ այն չափով մաս հակաարաբական բնույթ ուներ, սակայն տարածքային հարցերում նրանց շահերը բախվում էին, և Ջիբալում ուժերի գերակշռությունը, թերևս, ձեռնառու չէր նրանցից ոչ մեկին: Սակայն, դատելով մեր ձեռքի տակ եղած նյութերից, Ջիբալում Հասանվայիների առկայությունը և ակտիվացումը որոշ իմաստով Բուիներին, կարծես թե, այնքան էլ չէր խանգարում: Ընդհակառակը, ռազմական օգնություն ստանալու վախարեն, ինչպես երևում է, Բուիները երկար ժամանակ սիրաշահում էին Հասանվայիին և, բավարարվելով Ջիբալի նվաճման ձևական ենթակայությամբ, խրախուսում էին տվյալ տարածքներում կարգուկանոն հաստատելու նրա միջոցառումները:

Իբն Միսբավայիի, Իբն ալ-Ասիրի, Իբն Խալդունի և այլոց նյութերի ուսումնասիրությունը վկայում է, որ Հասանվայիը ռազմական մեծ օգնություն էր ցույց տալիս Բուի Ռուքն ադ-Դսավային (935-977թթ.) Խորասանի Սամանյանների դեմ մղած մարտերում²²: Դալայական զորքերին զինաջակցության համար էլ մա արժանացավ Բուի իշխանի՝ Ռուքն ադ-Դսավայի լիակատար հովանավորությանն ու բարյացակամ վերաբերմունքին²³: Օգտվելով վերջինիս թողուվությունից և փտահությունից՝ Հասանվայիը գնալով ի-

քեն ավելի անկախ էր գգում և համարձակ իշխանություն էր գործադրում: Նա նույնիսկ սկսեց հարկեր գանձել Ջիբրալթլ անցնող քարավաններից և տեղի ավատատերերից: Այս առթիվ Իբն ալ-Ասիրը գրում է, որ այդ մասին լուրերը հաղորդվում էին Ռուքն աղ-Դաուլային, սակայն նա լռում էր, և չէր միջամտում նրա գործերին, քանի որ ինքը շատ ավելի կարևոր գործերով էր զբաղված²⁵: Այս ամենի շնորհիվ Հասանվայիին հաջողվում է ոչ միայն լինել Ջիբրալթլ լիիրավ իշխանը, այլև՝ ընդարձակել իր տիրապետության շրջանակները: Օր-օրի, ինչպես նշում է դեպքերի ժամանակակից Իբն Միսքավայիը, նրա իշխանությունը հզորանում էր, որից հետևանում էին տեղական կառավարիչները²⁷: Այնուամենայնիվ, վրա հասավ պահը վերջապես ընդհարվելու իր հովանավորողի՝ Ռուքն աղ-Դաուլայի հետ: Հիջրի 359 (969)թ. Հասանվայիի և Համադանի կառավարիչ Սահլան իբն Մուսաֆիի միջև ծագած վեճը սուր բնույթ կրեց: Ռազմական ընդհարման ընթացքում Հասանվայիը ջախջախեց նրան, ապա՝ փախուստի մատնվածներին երկար ժամանակ պաշարեց, այնուհետև, ինչպես գրում են արաբ հեղինակները, զցեց կրակի օղակի մեջ: Ամռան շոգն ու կրակը ստիպեցին հակառակորդին անվտանգություն խնդրել Հասանվայիից: Բուրդ իշխանի այս ուռնձությունն ու վայրագ վերաբերմունքը դայլամիների նկատմամբ սաստիկ զայրացրեց և անհանգստացրեց Ռուքն աղ-Դաուլային: Բուի իշխանը նույն թվականի մուհստամ ամսին (969թ. նոյեմբեր ամսին) հրամայեց իր վեզիրին՝ Իբն ալ-Ամիդին մեծ զորքով Ռեյից շարժվել և հակահարված տալ Հասանվայիին²⁸: Համադանի մոտ հիվանդ վեզիրը վախճանվեց, և նրան վախարիներեց որդին՝ երիտասարդ Աբու-լ-Ֆաթիմ: Վերջինս բանակցություններ վարեց Հասանվայիի հետ և առանց ճակատամարտ տալու ստիպեց նրան հնազանդվել և հաշտության պայմանագիր կնքել³⁰: Տեսնելով պարտության անխուսափելիությունը, ինչպես նշում է Շարաֆ Խան Բիդլիսին, Հասանվայիը հարկադրված եղավ դիմելու միջնորդների օգնությանը: Հաշտության պայմանագրով Հասանվայիը Բուիներին վճարեց շուրջ 100 հզ դինար³²: Իբն Միսքավայիի շարադրանքից պարզ երևում է, որ Բուի զորահրամանատարն իր հերթին ևս այնքան էլ մտադիր չէր ընդհարվելու Հասանվայիի հետ: Այդ քայլին դիմելու դրդապատճառներից մեկն էլ այն էր, որ նա անհապաղ պետք է շտապեր Ռեյ և զբաղեցներ իր հոր՝ վեզիրի պաշտոնը, քանի դեռ այն թավաւր էր³³:

Այսպիսով, վերը նշված փաստերը վկայում են, որ հաշտությունը ձեռնտու էր թե՛ Հասանվայիին և թե՛ Աբու-լ-Ֆաթիին, թեև քուրդ իշխանի վրա դա ավելի ծանր նստեց: Նա բարիդրացիական հարաբերություններ շարունակեց Ռուքն աղ-Դաուլայի հետ, որի օրոք էլ նրա իշխանությունը ծաղկում ապրեց³⁴: Այս դեպքերից հետո, դատելով աղբյուրների լուրջությունից, պետք է ենթադրել, որ Հասանվայիների և Բուիների փոխհարաբերությունները շարունակվեցին նախկին հունով: Մի քանի տարի անց վիճակը համարյա լիովին վախվեց. Հասանվայիին հովանավորող հիվանդ և ծեր Ռուքն աղ-Դաուլայի կյանքի վերջին շրջանում գահի համար Բուիների միջև խիստ տարա-

ձայնություններ առաջացան: Նրա մահից առաջ պետք է որոշվեր դիմաստիայի գերագույն իշխանության հավակնորդի թեկնածությունը: Այդ իրավունքը տրվեց Ռուքն աղ-Դաուլայի որդիներից մեկին՝ Բուխներից թեքև ամենագորեղ Աղուդ աղ-Դաուլային (949-983թթ) ³⁷, որը բուխական միացյալ և կենտրոնացված իշխանություն ստեղծելու լուրջ մտադրություններ էր դրսևորում ³⁸:

Տվյալ ծրագրի իրականացման ճանապարհին Բուխ իշխանը հանդիպեց մեծ դժվարությունների: Ամենից առաջ նա պետք է հակահարված տար բշմամական դիրք բռնած իր եղբայրներին, հորեղբոր որդիներին և նրանց հարող ընդդիմադիր տեղաբնիկ ուժերին: Անշուշտ, Աղուդ աղ-Դաուլայի տեսադաշտից դուրս չէր կարող մնալ նաև Ջիբալի Հասանվայիների իշխանությունը, մանավանդ որ Հասանվայիը, թեկուզ ձևականորեն, դեռևս 975 թ. Ռուքն աղ-Դաուլայի կենդանության օրոք, հակված էր Իռաքի՝ նրա գլխավոր հակառակորդի, հորեղբոր որդու՝ Բախսիյարի կողմը ³⁹:

Կռահելով Աղուդ աղ-Դաուլայի մտադրությունը և տարբեր ճակատներում նրա ռազմական հաջողությունները՝ Հասանվայիը փորձեց կապեր հաստատել Բախսիյարի հետ: Ստեղծված լարված ու վտանգավոր իրադրությունը ստիպեց նրան դիմելու նման քայլի, քանի որ տվյալ ժամանակ Բախսիյարը միակ հուսալի ուժն էր՝ ընդդեմ Աղուդ աղ-Դաուլայի: Բախսիյարին խաբելով և Աղուդ աղ-Դաուլայի դեմ՝ նրան շարունակ օժանդակելու խոստումներ տալով, Հասանվայիը ³⁸ միաժամանակ նման գործարքների մեջ էր մտել Բուխ մյուս իշխանների հետ: Ակտիվ դեր խաղալով բուն Բուխների միջև ծագած հակասությունները խորացնելու գործում՝ Հասանվայիը ջանում էր ձախտել բուխական միացյալ իշխանության ստեղծման ծրագիրը: Իրն Միսքավայիը, դիպուկ նկատելով այդ ամենը, գրում է. «Հասանվայիը սիրում էր խախտել միաբանությունը և պառակտել միասությունը, քանզի նրա իշխանությունը գտնվում էր այս իշխանների (այսինքն՝ բուխների- Ա.Փ.) տիրապետության շրջանակներում» ³⁹:

Բախսիյարին և նրա կողմնակիցներին ջախջախելու համար հիջ. 336 (976/7)թ. Աղուդ աղ-Դաուլան Ֆարսից շարժվեց Իրաք: Բախսիյարին աջակցելու նպատակով, Հասանվայիը՝ Վասիտ (Իրաք) ուղարկեց մեկ հազարանոց քանակ իր երկու որդիների՝ Աբդ առ-Ռազակի և Բադրի գլխավորությամբ ⁴⁰: Չմասնակցելով մարտական գործողություններին՝ նույն թվականին հետ վերադարձավ Աբդ ստ-Ռազակը: Իսկ 977/8թ., երբ Բախսիյարը մտադրվեց ճանաչել Աղուդ աղ-Դաուլայի գերիշխանությունը, Ջիբալ մեկնեց նաև Բադրը ⁴¹:

Արաբական Իրաքում և հարակից այլևայլ շրջաններում ակտիվ ռազմական գործողություններ ծավալելուց հետո, հիջրի 369 (979/ 80)թ. Աղուդ աղ-Դաուլան ծրագրեց հերթական արշավանքը դեպի Ջիբալ: Դրանով նա ձգտում էր նվաճել Հասանվայիի տիրույթները և ջախջախել իր եղբորը՝ Ֆախր աղ-Դաուլային, որը դաշինք էր կնքել Բախսիյարի հետ ⁴²: Մինչև նա նախապատրաստվում էր, նույն թվականին Սարմաջ բերդում մեռավ քուրդ

իշխան Հասանվայիը և Ջիբսոյ ներխուժելու համար ստեղծվեց ամենամա-
պաստաւոր պահը:

Հասանվայիի մահը բավական ոգևորեց Աղուդ ադ-Դաուլային, որը, Իբն Միսքավայիի խոսքերով, գտնում էր, թե ասպարեզից «վերացավ այն սա-
տանան, որը թշնամանք էր սերմանել իր և եղբայրների միջև»⁴³: Պատմիչի
ուշագրավ այս հաղորդումը վկայում է Բուիների հետ Հասանվայիի դիվա-
նագիտական խաղերի և իր իշխանությունը պահպանելու ուղղությամբ նրա
գործադրած ջանքերի մասին: Հասանվայիի մահից հետո սուր վեճեր առա-
ջացան նրա յոթ որդիների միջև⁴⁴: Նրանցից ոմանք հակվեցին Աղուդ ադ-
Դաուլայի, իսկ մի քանիսը՝ նրա եղբոր Ֆախր ադ-Դաուլայի կողմը⁴⁵: Օգտ-
վելով առիթից՝ Աղուդ ադ-Դաուլան մեծաքանակ զորքով Բաղդադից շարժ-
վեց Ջիբսոյ՝ վիճակը կարգավորելու նպատակով: Համարյա առանց դիմադ-
րության նրան հանձնվեց Համադանը, իսկ Ֆախր ադ-Դաուլայի շատ զորա-
վարներ և Հասանվայիի կողմնակիցներն անվտանգություն խնդրեցին Ա-
ղուդ ադ-Դաուլայից: Գրավելով Համադանը, Ռեյը և այլ շրջաններ՝ նա աս-
պատակեց նաև Նեհավանդը, Դինավարը և Սարմաջ բերդը, ուր գտնվում էր
քուրդ իշխանի որդիներից միայն Բախտիարը⁴⁶: Նվաճելով Հասանվայիի
մի քանի բերդեր՝ Աղուդ ադ-Դաուլան թալանեց Սարմաջում նրա ունեցած
մեծաքանակ հարստությունը և քրդերի իշխան նշանակեց նրա տղաներից
ամենագործունյա Բադր իբն Հասանվայիին⁴⁷: Այս առթիվ Իբն ալ-Ջաուզին
գրում է, որ Աղուդ ադ-Դաուլան Բադրին տրամադրեց «Ջիբսոյի իշխանութ-
յունը՝ Համադանը, Դինավարը, Բորոջիրդը, Նեհավանդը, Ասադաբադը և
այլ վայրեր»⁴⁸:

Իբն ալ-Ասիրը նշում է, որ «Բադրի տիրապետությանն էին ենթարկվում
Սաբուրխվապուրը, Դինավարը, Բորոջիրդը, Նեհավանդը, Ասադաբադը, մի
հատված Ահվազի շրջանից և դրանց միջև ընկած բերդերն ու տիրույթնե-
րը»⁴⁹: Նման վկայություն հաղորդում է նաև Շարաֆ Խան Բիդլիսին գրելով,
որ «Բադրին ենթարկվում էին բոլոր ամրոցները, լեռները և դաշտավայրերը՝
Դինավարից մինչև Ահվազ, Խուզիստան, Բորոջիրդ, Ասադաբադ և Նիհա-
վանը»⁵⁰: Այս առթիվ պետք է ասել, որ վերը նշված հեղինակների նկարագ-
րած տարածքները Բադրին ենթարկվեցին ոչ թե սկզբից, այլ ավելի ուշ, երբ
մահացավ Աղուդ ադ-Դաուլան: Վերջինս, ինչպես վկայում են մեր ձեռքի
տակ եղած նյութերը, Բադրին ինքնավար իշխանություն տվեց միայն քրդա-
կան շրջանում և զորք տրամադրեց տվյալ տարածքներում կարգուկանոն
հաստատելու, ինչպես նաև քրդական ցեղերի ներքին հակասություններին
վերջ տալու համար⁵¹: Վաստակաւան իրավունքով հորը վախաբեմնած Բադրի
(979-1015թթ.) դեմ հիջրի 370 (980/1)թ., քրդերի օգնությամբ, սկսեցին դավեր
նյութել մյուս եղբայրները: Աղուդ ադ-Դաուլան ձերբակալեց Հասանվայիի
տղաներին և մահվան դատապարտեց բոլորին⁵²:

Այսպիսով, Բուի իշխան Աղուդ ադ-Դաուլայի աջակցությամբ Բադրին
հաջողվեց առանց դժվարությունների, Դինավար կենտրոնով, տիրել Ջիբսոյի

շրջաններին: Այդ ամենի համար էլ Բաղրը մինչև վերջ երախտապարտ մնաց Ադուղ աղ-Դատուլային, որը, ինչպես իրավացիորեն նշում են Իրն Զասիրն ու Իրն ալ-Ջաուզին, հնարավոր դարձրեց նրա՝ իշխանության գլուխ անցնելը⁵³: Ուստիև, պատահական չէ, որ Բաղրն իր մոր և Ադուղ աղ-Դատուլայի համար գոհաբերություններ էր կատարում՝ ուխտագնացության էր ուղարկում տաքեկան քսան մարդ՝ այդ նպատակին տրամադրելով հազար դինար⁵⁴:

983թ. Ադուղ աղ-Դատուլայի մահից հետո, Բուիների միջև ծագած խոր հակասությունների հետևանքով, սկիզբ առավ նրանց իշխանության աստիճանական քայքայումը⁵⁵: Այդ ամենը հնարավորություն տվեց նաև Բաղրին որոշ չափով ավելի ազատ գործելու Ջիրբալում և հարակից շրջաններում: Եթե մինչ այդ խիստ սահմանափակ էր նրա իշխանությունը, ապա այժմ ստեղծվեցին բոլոր պայմաններն ընդարձակելու իր տիրապետության շրջանակները: Դրա հետ միասին նա ի վիճակի չեղավ, և հնարավոր էլ չէր, խզելու իր հարաբերությունները Բուիների հետ: Ադաղ աղ-Դատուլայի մահից հետո Բաղրն սկսեց հարել նրա եղբորը՝ Ֆախր աղ-Դատուլային, որը Մուայիդ աղ-Դատուլայի մահից հետո, Խորասանից վերադարձավ Իսֆահան և Ռեյ⁵⁶: Երբ հիջրի 373 (983/4)թ. Դումի Զարդար շրջանում ապստամբեց քուրդ Բարգիկան ցեղի ներկայացուցիչ Մահմադ իբն Ղանիմ ալ-Բարգիկանին և ամրացավ Հաֆթջան ամրոցում, Ֆախր աղ-Դատուլան, անհաջող երկու վարձերից հետո Բաղրին մեղադրեց Բարգիկան քրդերի այդ ուղեգնությունների համար և հրամայեց նրան՝ ճնշելու խռովարարների ելույթը⁵⁷: Բաղրի միջամտությամբ էլ՝ 984թ. սկզբներին հաշտություն կնքվեց Ֆախր աղ-Դատուլայի և ապստամբների միջև: Սակայն 985/6թ. Բուի իշխանը կրկին հարձակվեց նրանց վրա և գերի վերցրեց խռովարարների առաջնորդին, որն էլ մահացավ ստացած հուժկու հարվածից⁵⁸:

Բաղրի հակվածությունը Ֆախր աղ-Դատուլայի կողմը խիստ թշնամաբար ընդունեց Ադուղ աղ-Դատուլայի որդին՝ Շարաֆ աղ-Դատուլան: Վերջինս հարմար առիթ էր որոնում՝ Ջիրբալ ներխուժելու և Բաղրին ջախջախելու համար⁵⁹: Հիջրի 377 (987/8)թ., երբ նա հաստատվեց Բաղդադում, որոշեց այնուամենայնիվ դիմել այդ քայլին: Կարաթագին ալ-Ջահշիյարիի գլխավորությամբ՝ Շարաֆ աղ-Դատուլան մեծաթիվ զորք ուղարկեց Ջիրբալ: Դրանով Բուի իշխանը ցանկանում էր ազատվել թե՛ Բաղրից և թե՛ իր զորքերի գլխավոր հրամանատար Ա. ալ-Ջահշիյարիից, որը բավական հանդուգն էր դարձել⁶⁰: Երկու կողմերի զորքերը հանդիպեցին Կարմասինի (Քերմանշահի) շրջանում, ուր շուտով փախուստի դիմեց Բաղրը: Բուական զորքերը, ինչպես վկայում են եղած նյութերը, իջևանեցին մույն տեղում, և ընդամենը մեկ ժամ հետո Բաղրը հանկարծակի հարձակման անցավ՝ հակառակորդին հնարավորություն չտալով դիմադրելու: Նա շատերին սպանեց և բռնագրավեց դայլամական զորքի ողջ ունեցվածքը: Խուճապի մատնված Ա. ալ-Ջահշիյարին վտրորաթիվ խմբով հազիվ փրկվեց և չտապեց Բաղդադ: Շատ կարևոր հաղթանակ տարած Բաղրը գրավեց ամբողջ Ջիրբալը և, ինչպես նշում են արա-

բախեցու աղբյուրները, հզորացավ ու անհնազանդ դարձավ⁶¹:

Այս իրադարձությունից հետո քուրդ իշխանը ձեռք բերեց քաղաքական որոշակի անկախություն, որը մինչ այդ, ինչպես տեսանք, այսպես թե այնպես, կախման մեջ էր Բուիներից: Այնուհանդերձ, հզորանալով, նա հարաբերությունները չվատթարացրեց իր գլխավոր մրցակիցներից մեկի՝ հատկապես Ֆախր ադ-Դաուլայի հետ՝ նրան օգնություն ցույց տալով անհրաժեշտության դեպքում⁶²: Վերջինիս մահից հետո Բադրը նույնիսկ նշանակվեց նրա կնոջ և անչափահաս որդու խնամակալն ու խորհրդատուն⁶³: Ֆախր ադ-Դաուլայի մահից հետո Բադրը բարիդրացիական հարաբերություններ հաստատեց այս անգամ Բուի մեկ այլ իշխանի Բահա ադ-Դաուլայի հետ⁶⁴:

Չնայած Բադրի և Բահա ադ-Դաուլայի հարաբերությունները մնացին բարիդրացիական, բայց վերջինիս վեզիր Ամիդ ալ-Ջույուշը հիջրի 396 (1006)թ. դեմիկ մի զորավարի գլխավորությամբ զորք ուղարկեց՝ Բանդանիջինի քրդերին ջարդելու և կարգի երաժիշտի համար: Սակայն ապարդյուն: Քրդական մեծաթիվ զորախմբերը խայտառակ պարտության մտանեցին Բահա ադ-Դաուլայի զորքին⁶⁵:

X դարի վերջերին և XI դարի սկզբներին, դատելով սկզբնաղբյուրների լուծյունից, Բադրի և Բուի իշխանների հարաբերություններում, ինչպես նաև նրա իշխանության ներքին կյանքում էական տեղաշարժեր տեղի չունեցան: Զուրդ ամիրան շարունակեց բարիդրացիական հարաբերություններ պահպանել, մասնավորապես, Բուի Բահա ադ-Դաուլայի հետ: Ելնելով իր իշխանության անվտանգությունից և իր դիրքերն ամրապնդելու անհրաժեշտությունից՝ Բադրը հարկադրված էր նաև հարաբերվել Բուիների թե՛ կողմնակիցների և թե՛ նրանց հակառակորդների հետ:

Հիջրի 397(1006/7)թ. Իրաքի պաշտոնաձև կառավարչի՝ Աբու Ջա'աֆար ալ-Հաջաջի խնդրանքով Բադրը մեծաթիվ զորք ուղարկեց Բադդադի վրա հարձակում գործելու համար: Ինչպես երևում է սկզբնաղբյուրների հաղորդումներից, Բադրը մեծ քայլի դիմեց, որովհետև Բահա ադ-Դաուլայի իրաքյան նոր կառավարիչ Աբու Ալի Ամիդ ալ-Ջույուշը նույն թվականին Խորասանի ճանապարհների վերակացու էր նշանակել նրա հակառակորդին՝ քուրդ Աննազյան Աբու-լ-Ֆաթհին: Այդ էլ պատճառ դարձավ, որ նա բացեիքաց մասնակցի Բադդադի պաշարմանը, որը տևեց մեկ ամիս: Պաշարմանը մասնակցում էր նաև Բուի իշխանի Իրաքի նախկին կառավարիչ, ապստամբ Աբու Ջա'աֆար ալ-Հաջաջը:

Բադրի զորքի կազմում Աբբասյան մայրաքաղաքի գրավմանը մասնակցում էին նաև ընդդիմադիր քուրդ ամիրաներ Հինդի իբն Սա'ադին, Աբու Ի'սա Շադի իբն Մուհամմադը, Վառամ իբն Մուհամմադը և արաբ ղոժոհ տարրերը՝ թվով ավելի քան 10 հազար մարդ⁶⁶:

Զուրդ Աբու-լ-Ֆաթհ իբն Աննազը շտապեց Բադդադ՝ Աբու Ալի Ամիդ ալ-Ջույուշի հետ հակառակորդների միացյալ զորքերին հակահարված տալու նպատակով: Բադդադի պաշտպանությունը քուրդ Աննազյան ամիրայի հետ

միասին մեկ ամիս մասնակցեցին նաև թյուրքական զորաջոկատները: Սակայն, շուտով լուր ստացվեց Բահա ադ-Դաուլայի բանակից Բասրայի ընթուստ տեր Աբու-լ-Աբբաս իբն Վասսիլի կրած պարտության և դեպի Բաղդադ շարժվող բուական զորքերի մասին: Դա էլ խուճապ առաջացրեց Բաղդադը պաշարող զորքերում: Աբու Ջա'աֆար ալ-Հաջաջը քուրդ ամիրա Աբու Իսայի հետ մեկնեց Հուլվան և սկսեց բանակցել Բահա ադ-Դաուլայի հետ՝ հաշտություն կնքելու համար: Այդ ընթացքում Բաղդը հասցրեց Աննազյան Աբու-լ-Ֆաթհից խել Հուլվանն ու Կարմանսինը: Աննազյան Աբու-լ-Ֆաթհը հեռացավ այնտեղից և հաստատվեց արաբ Ուկայլիների իշխան Ռաֆի' իբն Մուկ'անի մոտ:

Թեև Ուկայլիների և Հասանվայիների միջև առկա էին բարդորացիական հարաբերություններ, բայց Աբու-լ-Ֆաթհին իր տիրությանից հետացնելու վերաբերյալ ժխտական պատասխան ստանալով Ռաֆի' իբն Մուկ'անից, Բաղդը զորք ուղարկեց Տիգրիսի արևելյան շրջանները, այրեց նրա բնակավայրը Մատիրայում, գրավեց Բարդան բերդն ու գերեվարեց շրջանի ազգաբնակչությանը: Այս իրադարձություններից հետո քուրդ ամիրա Աբու-լ-Ֆաթհ իբն Աննազը մեկնեց Բաղդադ՝ Ամիր ալ-Ջույուշի մոտ, որը խոստացավ նրան աջակցել ընդդեմ Բաղդ իբն Հասանվայիի՝ Բասրայի տիրոջ Աբու-լ-Աբբասին ջախջախելուց հետո⁶⁷:

Այս իրադարձությունները, անշուշտ, բավական սրեցին Բահա ադ-Դաուլայի և Բաղդի վախհարաբերությունները: Նույն թվականին էլ (1006/7թ.) քուրդ իշխանը երեք հազարանոց զորք տրամադրեց Բասրայի ընթուստ տիրոջը՝ Բուի իշխանից Անվազը խելու համար:

Բասրայի տերը բուական զորքից պարտություն կրելով՝ դիմում է փախուստի և փորձում ապաստան գտնել Բաղդի մոտ: Քուֆայից անցնելով Տիգրիս՝ նա հասնում է Խանիկին: Այստեղ էլ Աննազյան Աբու-լ-Ֆաթհը ձերբակալում է նրան և մահապատժի ենթարկում⁶⁸:

Բասրայի տիրոջն ասպարեզից վերացնելուց հետո Բուի Բահա ադ-Դաուլան որոշեց հաշիվները մաքրել Բաղդի հետ՝ պատճառած անհանգստության և Իբն Վասսիլին օժանդակելու, ինչպես նաև Բաղդադի վրա կատարած հարձակման և շուրջ մեկ ամիս այն պաշարելու համար: Նա հրամայեց Ամիր ալ-Ջույուշին՝ մեկնել Ջիբալ և հակահարված տալ Բաղդին: Գունդեշաբուրում, խուսափելով ընդհարումներից, Բաղդը Բուի զորահրամանատարին առաջարկում է դրամական փոխհատուցում, որով կողմերը հաշտություն են կնքում: Դրանից հետո Բաղդը սկսում է հարաբերություններ հաստատել Բուի տարբեր ընտանիքների հետ՝ նրանց հաճախ ցուցաբերելով ռազմական օգնություն⁶⁹:

Հիջրի 400 թվականից (1010թ.) Հասանվայիների իշխանությունում սկիզբ առած ներքին հակասությունները ոչ միայն թուլացրեցին Բաղդի դիրքերը, այլև՝ ի վերջո հանգեցրեցին նրա սպանությանը (1015թ.): Այս խժոժությունների պատճառը դարձավ նրա որդին՝ Հիլալը, որը լուրջ հավակնություններ

դրսևորեց հոր տիրույթների և հարստության նկատմամբ:

Սեր ձեռքի տակ եղած նյութերը վկայում են, որ Հիլալի մայրը Շադինջան քրդերից էր, որից Բադրը բաժանվեց որդու ծնվելուց անմիջապես հետո: Այդ ցեղի ներկայացուցիչն էր նաև Բադրի հակառակորդը, մեզ ծանոթ Աբու-լ-Ֆաթի իբն Աննազը: Հիլալն ապրեց մոր խնամքի տակ և գրկվեց հոր դաստիարակությունից, որի հետևանքով էլ նա բավական հանդուգն էր դարձել:

Ձգալով այդ Բադրը նրան որպես ավատատիրույթ տվեց Մամադանը: Հիլալը սիրահոժար ընդունեց հոր որոշումը և հնարավորություն ունեցավ ազատ և ինքնուրույն գործելու: Շուտով սրվեցին Հիլալի և հոր հարաբերությունները՝ Շահերգուրի նկատմամբ դրսևորած հավակնությունների և նրա տիրոջ՝ Իբն ալ-Մադիին ցուցաբերած վատ վերաբերմունքի համար: Հիլալը պաշարեց Շահերգուրը, գրավեց այն և սպանեց Իբն ալ-Մադիին ու գերեվարեց բնակչությանը: Հիլալը, որի արարքն առաջացրեց հոր զայրույթը, սկսեց սիրաշահել Բադրի զինակիցներին, կաշառել նրանց, որի հետևանքով շատերն անցան նրա կողմը: Բադրը միջոցներ ձեռնարկեց հանդուգն որդուն կարգի հրավիրելու համար: Հայրն ու որդին հանդիպեցին Դինավարի մոտակայքում: Մարտի դաշտում Բադրի զորքերից շատերը անցան Հիլալի կողմը, Բադրը գերի ընկավ:

Հիլալը հորն առաջարկեց մնալ ամիրայի իր պաշտոնում, պայմանով, որ իրեն վստահվի զորքերի հրամանատարությունը: Բադրը հրաժարվեց, խնդրեց իրեն մի ամբողջ տրամադրել՝ կյանքի վերջին շրջանը այնտեղ անցկացնելու նպատակով: Հիլալը բավարարեց հոր խնդրանքը՝ տալով նաև որոշակի քանակությամբ հարստություն: Հաստատվելով ամրոցում՝ Բադրը սկսեց դավեր նյութել որդու դեմ: Նա կապվեց իր գլխավոր հակառակորդներից մեկի՝ քուրդ Աբու-լ-Ֆաթի իբն Աննազի և Ասադաբադում գտնվող Աբու Իսա իբն Շադիի հետ, նրանց հրահրելով որդու դեմ: Իբն Աննազը գրավեց Զերմանշահը, իսկ Իբն Շադին՝ Սաբուրխվաստը, և այն թալանելուց հետո շարժվեց դեպի Նեհավանդ:

Հիլալին ջախջախելու նպատակով, Բադրը դիմեց նաև Բուի Բահա ադ-Դաուլային: Վերջինս Ֆախր ալ-Մուլք Աբու Ղալիբ անունով մի զորավարի գլխավորությամբ մեծաքանակ զորք ուղարկեց՝ Բադրին օգնելու համար: Բուական բանակը մարտի դաշտում գերի է վերցնում Հիլալին և ներխուժում նրա ամրոցը, բռնագրավելով մեծաքանակ հարստություն՝ 40 հազար «Բադրա» դիրհեմ, 400 ոսկյա «Բադրա» և այլ քանկարժեք աղամանդներ, զենք և հանդերձանք: Այս ամրոցը հանձնվում է Բադրին⁷⁰: Հետաքրքիր է, որ բռնագրավված հարստության չափերը միջնադարում այնքան են ուժեղացվել, որ ժամանակի բանաստեղծները դրան ձևեցին կասիդաներ⁷¹: Իբն Խալլուան այս կապակցությամբ գրում է, թե ասում են, որ երբ Բուիները ներխուժեցին Բադրի ամրոցը, զանազան հարստությունների թվում հայտնաբերեցին քառասուն հազար «Բադրա» և 400 հզ «Բադրա դիրհեմ»⁷²:

Անկախ աղբյուրներում վերը նշված թվերի հակասությունից խիստ ու-

չազրավ է, որ Բաղրն իր անունով նաև դրան էր թողարկում⁷³: Հանգամանք, որը ևս մեկ անգամ հաստատում է Ջիբալում նրա հզորամալու և փաստական անկախության մասին:

Այսպիսով, Բաղրի ու որդու միջև ծագած հակամարտություններին վերջ տրվեց Բուի իշխան Բահա ադ-Դաուլայի միջամտությամբ: Դա էլ Բաղրին պարտավորեցրեց Բուի իշխանի հանդեպ ունենալ բարեկամական դիրքորոշում, հաճոյանալ և անել ամեն ինչ՝ նրան զոհացնելու համար: Թերևս դրանով էլ պետք է բացատրել այն իրողությունը, որ նա Ծաերեզուրն ուղղակի հանձնեց Ամիդ ալ-Ջուլուշին, որն էլ նշանակեց իր կուսակալներին⁷⁴: Հիջ. 404թ. (1014թ.) հուլիսին Բաղրի թռանը՝ Տահիր իբն Հիլալին հաջողվեց Ծաերեզուրից դուրս վռնել Ֆախր ալ-Մուլքի զորքը: Ծաերեզուրը շուրջ 2 տարի Տահիր իբն Հիլալի տիրույթը դարձավ, որը 1016թ. անցավ քուրդ Անագյաններին⁷⁵:

Վերը նշած իրադարձություններից հետո Բաղրի և որդու հարաբերությունները շարունակեցին մնալ խիստ բշտամական: Այդ է վկայում այն փաստը, որ նա այդպես էլ իր որդուն չազատեց Բաղդադի բանտից: 1015թ. Հիլալին հաջողվեց ազատվել բանտարկությունից, հոր սպանությունից հետո Ջիբալում ստեղծված անկայուն և խռատ վիճակում⁷⁶:

Ինչպես նշվեց, Բաղրի և որդու հակասությունները բացասաբար անդրադարձան Հասանվայիների իշխանության ներքին կյանքի վրա: Հոր և որդու հակասություններն ու միմյանց դեմ ռազմական գործողությունների ծավալումը որոշակի տրամադրություններ առաջացրեցին նաև բանակում: Այդ ամենն ի վերջո հանգեցրեց Բաղրի սպանությանը, որը տեղի ունեցավ 1015թ.:

Արաբալեզու սկզբնաղբյուրները հայտնում են, որ այդ թվականին Բաղրը՝ քուրդ Հուսեյն իբն Մասուդի տիրույթը գրավելու նպատակով, պաշարեց նրա «Քուսհադ» ամրոցը: Բաղրի կողմնակիցները զայրույթով ընդունեցին ձմռանն այդ գործողությունը իրականացնելու միտքը և որոշեցին վերջապես նրան ասպարեզից վերացնել: Պաշարման ընթացքում Ջուրկան քրդական ցեղը դավադրաբար սպանում է Բաղրին, թալանում զորքը և հեռանում: Քուրդ Հուսեյն իբն Մասուդը հրամայում է Բաղրի դին թաղել Ալիի գերեզմանոցում: Բաղրի սպանությունից հետո լուծարվում է նաև նրա զորքը:

Լսելով պապի սպանության մասին՝ Տահիր իբն Հիլալը Ծաերեզուրից շտապում է Դինավար՝ իշխանությանը տիրելու համար: Սակայն Բուի Ծամս ադ-Դաուլայի զորքի հետ տեղի ունեցած մարտերում Տահիրը գերի է ընկնում և բանտարկվում Համադանում: Ծամս ադ-Դաուլան, տիրելով որոշ շրջանների, բռնազրավում է նրա ունեցվածքը: Այնուհետև, լուրերը և շաղինջան քրդերը ճանաչեցին քուրդ Անագյան իշխան Աբու աշ-Շաաքի գերիշխանությունը:

Ջիբալում տեղի ունեցող ռազմաքաղաքական անցուդարձերի նկատմամբ անտարբեր չի մնում Իրաքի Բուի տիրակալ Մուլթան ադ-Դաուլան: Նա իսկույն բանտից ազատում է Բաղրի որդի Հիլալին, զորք տրամադրում և

հանձնարարում Շամս աղ-Դատուլայից հետ վերցնել գրավված տարածքները: 1015թ. ապրիլ ամսին տեղի ունեցած ճակատամարտում Հիլալի կողմնակիցները դիմում են փախուստի: Հիլալին, որի գործը վերադառնում է Բաղդադ, գերի են վերցնում և սպանում մարտի դաշտում⁷⁷: Այս հաղթանակից հետո Շամս աղ-Դատուլան նվաճում է Բաղրի բոլոր տարածքները և վերադառնում Համադան:

Ինչպես նշվեց վերևում, ըստ արաբ պատմիչների, Բաղրին էին պատկանում Սաբուրխվաստը, Դինավարը, Բոբոջիրդը, Նեհավանդը, Ասադաբադը և Ահվազից մի մասն ու դրանց միջև ընկած ամրոցներն ու շրջանները⁷⁸: Բաղրին, ինչպես հայտնի է, հաճախ ենթարկվում էր Հուլվանը և Ժամանակ առ Ժամանակ՝ նաև Շահերգուրը:

Հիշ. 406թ. (1016թ.) Շամս աղ-Դատուլան ազատ է արձակում Բաղրի բռնաճակատ Տահիր իբն Հիլալին: Որոշ Ժամանակ անց նա, իր շուրջ համախմբելով համապատասխան կողմնակիցների, մարտական գործողությունների է դիմում ընդդեմ Հուլվանի քուրդ Աննազյանների: Երկու անգամ պարտության մատնելով Աննազյան իշխան Աբու աշ-Շաուբին, Տահիրը նրա հետ հաշտություն է կնքում, ապա ամուսնանում է նրա քրոջ հետ: Աբու աշ-Շաուբը իր եղբոր Սահիլի վրեժը լուծելու համար դավադրաբար սպանում է Տահիրին⁷⁹:

Այսպիսով, Բաղրի սպանությամբ Հասանվայիների ընտանիքը աստիճանաբար վերացավ քաղաքական թատերաբեմից, թեև նրա հետնորդների ձեռքում մնաց միայն Սարմաշ ամրոցը: Նրանց վերջին ժառանգորդը՝ Բաղր իբն Տահիր իբն Հիլալը սելջուկյան Իբրահիմ Յաննալից որպես կալվածք ստացավ Դինավարն ու Քերմանշահը⁸⁰:

Մեզ հասած սկզբնաղբյուրների նյութերը միաբերան վկայում են, որ հատկապես Բաղր ամիրայի օրոք Հասանվայիների իշխանությունը ծաղկում ապրեց: Ավելի քան 30 տարի (369-405թթ./979-1015թթ.) իշխանության գլուխ մնալով՝ նա աչքի ընկավ իր ճկուն քաղաքականությամբ, լայն համբավ վայելեց խալիֆայությունում, որպես խելացի, արդարադատ և առատաձեռն իշխան⁸¹:

Նա ճանաչվեց որպես Ձիբսդի լավագույն և օրինակելի ամիրա, որի իշխանությունում տիրում էր ներքին կայունություն⁸²: Բաղրը հետևեց բանական կարգականունին, պայքար մղեց իր այն կուսակալների դեմ, որոնք իրենց գործունեությամբ խանգարում էին գյուղատնտեսության զարգացմանը⁸³:

Մեզ հասած փաստական տվյալները միաժամանակ ցույց են տալիս, որ Բաղրի օրոք Հասանվայիների իշխանությունում զարգացում ապրեցին ոռոգման համակարգն ու անասնապահությունը: Օրինակ, ինքն իբրև խոշոր ավատատեր, ունեյր ավելի քան քսան հազար գլուխ անասուն:

Իր հետևողական գործողություններով, ինչպես վկայում է Աբու Շուջա՝ առ-Ռուզրավարին, Բաղրը կարգի հրավիրեց Բաղրիկան ցեղին, որն, ըստ պատմիչի, երկրի վրա թերևս ամենավտանգավոր ցեղն էր, որը բնակչությանն ու գյուղատնտեսությանը պատճառել էր մեծ վնասներ⁸⁴: Հնարավոր

բոլոր միջոցներով նա նպաստեց հատկապես հացագզի կուլտուրաների զարգացմանը, որոնք քաղական անկում էին ապրել ավագակային հարձակումների հետևանքով⁸⁶։ Միաժամանակ զգալի ուշադրություն հատկացրեց ասեւորի զարգացմանը։ Յուրաքանչյուր վայրում նա շուկա էր հիմնում, ուր, ինչպես նշում է Աբու Շուջա՝ առ-Ռուզրավարին, բերվում էին աներածեշտ տեսակի ապրանքներ, որոնք և սպարտադիր կարգով վաճառվում էին մատչելի գներով⁸⁶։ Նա հսկայական գումարներ հատկացրեց ճանապարհաշինարարությանը, վերահսկողությանը, ջրանցքների ու ջրհորների կառուցմանը։

Եղած տվյալները վկայում են, որ Բաղդը տարեկան հարյուր հազար դինար էր տրամադրում Սեքքայի և Սեդիմայի ճանապարհների պահպանմանը, ջրերի մաքրմանը և ջրհորներ փորելուն⁸⁷։ Յուրաքանչյուր ջրի, աղբյուրի մոտ նա անսպայման գյուղ էր հիմնում⁸⁸, որը, ինչպես դժվար չէ ենթադրել, հեշտացնում էր ռոռզման գործը։

Հայտնաբերված արաբերեն վիմագիր արձանագրություններն իրենց հերթին վերահաստատում են սկզբնաղբյուրների հաղորդումները՝ քուրդ ամիրայի շինարարական լայն գործունեության մասին։ Մինչև օրս արևելագիտական շրջանակներին հայտնի են այդ կարգի քուֆի մի քանի արձանագրություններ, որոնք միաժամանակ վկայում են, որ ինչպես արաբա-մահմեդական ամիրայություններում, այնպես էլ Հասանվայիների իշխանությունում արաբներնը հանդիսանում էր հաղորդակցության և գործավարության հիմնական լեզուն։

Քուրդ ամիրայի շինարարական վիմագիր արձանագրություններից ամառինը հայտնաբերվեց 20-ական թթ. եվրոպացի վիմագրագետ Էռնեստ Հերցֆելդի կողմից⁸⁹։ Արձանագրությունը, որը վերաբերում է կամրջի շինարարությանը, փորագրված է ժայռի վրա՝ Խոռեմաբադից-Անդինեզ գտնուող ճանապարհին։

Համաձայն արձանագրության, տվյալ շինարարությունը իրականացվել է «Ամիրա Աբու ան-Նաջմ Բադր իբն Հասանվայի իբն Հուսեյնի հրամանով՝ հիջ. 374թ. (984թ.)»⁹⁰։

Ինչպես դժվար չէ նկատել, քուրդ ամիրան իշխանության գլուխ անցնելուց անմիջապես հետո սկսել է մասնավորապես ամրոցների և կամուրջների շինարարությունը։ Բադրի կողմից նման գործունեությունը նպատակ է ունեցել նախ և առաջ ամրապնդել Հասանվայիների իշխանությունը Ջիբալում և դյուրացնել հաղորդակցությունը լեռնային այդ զանգվածների միջև։ Այդ է հավաստում մեզ հասած քուրդ ամիրայի շինարարական երկրորդ արձանագրությունը, որը, ինչպես նշվեց, քուֆի գրությամբ խնամքով փորագրված լինելով, գտնվում է Խոռեմաբադի դպրոցներից մեկում։ Ենթադրում ենք, որ այն ևս վերաբերվել է կամրջի շինարարությանը, որի կառուցումը նրա հրամանով տևել է ուղիղ տասը տարի՝ հիջ. 389-399թթ. (998-1008թթ.)⁹¹։

Բադրի մեկ այլ վիմագիր արձանագրությունը, որը վերաբերվել է հիջ. 404թ. (1013թ.) շենքերից մեկի շինարարությանը, գտնվում է դարձյալ Խոռե-

մաքադում՝ Ձեյդ իբն Ալիի դամբարանում: Նրանում քուրդ իշխանը ներկայացվել է որպես հավատացյալների առաջնորդի (այսինքն՝ Աբբասյան խալիֆայի-Ա.Փ.) «մավլան» (սպասավորը, երդվյալ ներկայացուցիչը և այլն)⁹²:

Այսպիսով, ինչպես նշվեց, մեր ձեռքի տակ եղած սակավ, բայց փաստական կարևոր արժեք ունեցող վիմագիր արձանագրությունները վկայում են Բաղրի օրոք Հասանվայիների իշխանությունում շինարարական տարբեր կառույցների մասին:

Բացի վերոհիշյալից, մահմեդական աշխարհում քուրդ ամիրան փառաբանվեց կրոնական իր բարեգործությամբ և մահմեդական զանազան հաստատությունների կառուցմամբ: Թերևս դա է պատճառը, որ արաբական պատմագրությունն այդքան ակնածանքով է խոսում նրա մասին, շեշտելով մասնավորապես նրա մեծ ծառայություններն իսլամին⁹³: Այդ մասին մեզ հասած նյութերը միաժամանակ ցույց են տալիս, որ X-XI դդ. քրդական վերնախավի գործուն մասնակցությամբ իսլամի տարածումը քրդերի մեջ ընդունում է զանգվածային բնույթ⁹⁴:

Հաշվի առնելով Բաղրիի հզորացումն ու մահմեդական ահեդի բարեգործությունները՝ 998 թ. Աբբասյան ալ-Կադիր խալիֆան նրան շնորհեց «Նասիր ադ-Դին վա ադ-Դաուլա» ամենապատվավոր լակաբը (կոչումը)⁹⁵: Այս, Բահա ադ-Դաուլայի երաշխավորությամբ՝ խալիֆան միաժամանակ նրան նշանակեց Ձիբալի կառավարիչ⁹⁶: Դրանից հետո Բաղրը հզորացավ և ճանաչում ձեռք բերեց, ինչպես նշվեց վերևում, որպես տվյալ տարածքի «լավագույն իշխաններից մեկը»⁹⁷:

Այսպիսով, միջնադարյան սկզբնադրյուրների նյութերի ուսումնասիրությունը մեզ թույլ է տալիս եզրակացնելու, որ Հասանվայիների իշխանությունը, որի հենարանը հիմնականում քրդական ցեղերն էին, ձևավորվեց բուական տիրապետության շրջանակներում և նրա ծաղկման ժամանակ: Դա ավատատիրական ժամանակավոր մի կազմավորում էր մեկ ուրիշի ներսում, որի գոյատևումը, անշուշտ, պայմանավորված էր երկու կողմերի փոխհարաբերություններով, քաղաքական և տնտեսական շահերով: Չնայած ժամանակակից իրանական Քուրդիստանը և հարակից շրջանները, ուր գործեցին Հասանվայիները ձևականորեն համարվեցին բուական տարածքներ, սակայն տեղական իշխանությունը, ինչպես նշվեց, ամբայությամբ պատկանում էր քրդերին: Բուիները բավարարվում էին այն ռազմական աջակցությամբ, որ ստանում էին Հասանվայիներից, իսկ դրա վախարեն Հասանվայիին և Բաղրին հնարավորություն էր տրված ազատ գործելու և ընդլայնելու իրենց քաղաքական ազդեցությունը Ձիբալի քրդական շրջաններում:

Ստեղծված բարենպաստ պայմանները հետզհետե Հասանվայիներին հնարավորություն տվեցին ձեռք բերել քիչ թե շատ քաղաքական անկախություն, թեև նրանք կամա թե՛ ակամա հաշվի էին նստում ավելի գորեղ Բուիների հետ: Հասանվայիների և քրդական ցեղերի հակասությունների և արտաքին հարվածների հետևանքով դինաստիան վերացավ քաղաքական

ասպարեզից: Բաղրի սպանությունից հետո Հասանվայիյների տարածքները հիմնականում անցան Բուիներին, քաջառության որոշ շրջանների (Հուլվան, Շահրեզուր), ուր ամրապնդվեցին քուրդ Աննազյանները:

SUMMARY

With the political decline of the Abbaside Caliphate in IX-X A.D. and other reasons a number of Kurdish political units ruled by Moslem dynasties has come forward. Those were in fact short living traditional societies. Among such units was the "state" of Hasanwayhides in Jibal (Eastern or Iranian Kurdistan, established by the ruler of the Kurdish al-Barziniya or al-Barzikan tribe, Hasanawayh Ibn al-Kurdi (died 979).

The dynasty of Hasanwayhides, that dominated the mentioned area more than half a century (961-1015), established close relations first of all with the Iranian Delmik Buides. This dynasty was rather influential not only for Hasanwayhides, but also for the entire Abbaside Caliphate. With the centre in Dinavar, the Hasanwayhides extended their power over Hamadan, Nehavand, Borojird, Asadabad and other regions.

In Western Iran and neighbouring regions the Hasanwayh Kurds, independent to some extent, were fearful of Iranian Buides, who penetrated into the same regions. Although the activities of both sides were more or less anti-Arabic, in territorial issues their interests were conflicting.

The study of medieval Arabic sources leads to a conclusion that the state of Hasanwayhides, based primarily on Kurdish tribes, had developed within the Buide domination and during its flourishing period. It was a short-living traditional unit that existed within another unit and its existence was highly dependent on political and economic relations of both units. Despite the fact that these regions were formally Buide, the local power entirely belonged to the Kurds. The Buides were satisfied with the military assistance provided by the Hasanwayhides, which permitted them to exercise their political influence in the Kurdish regions of Jibal. Contradictions between the dynasty and the Kurdish tribes, as well as other reasons removed the Hasanwayhides from the political scene. In 1015, with Badr's assassination, the Buides, with the exception of some regions (Hulwan, Shahrezur), where Kurdish Annazians were established, regained the Hasanwayhide regions.

ԾԱՆՈԹԱԳՐՈՒԹՅՈՒՆՆԵՐ

1. А.Поладян, Курды в VII-X веках (по арабским источникам), Ереван, 1987, с. 92-93.

2. Ջիրալ - (արաբ. *ջարալ* «աար» գոյականի հոգնակի քիվմ է) Համադան կենտրոնով արաբական խալիֆայության վարչատարածքային բաժանումներից էր, որի կազմի մեջ էին մտնում Իրաքի ե Իրանի միջև ընկած բնակավայրերն ու լեռնային զանգվածները: XII դարից Արաբական Իրաքից զանազանվելու համար XII դարից Ջիրալը կոչվեց նաև «Աջամական Իրաք» (Իրակ ալ-Աջամ): Այդ մասին տես՝ Լը Ստրենց, Բուդան ալ-խիլաֆա աշ-շարկիյա, Բաղդադ, 1954, էջ 220 (արաբ.); В.В.Бартольд, Соч., VII, М., 1971г., с. 198-202.

3. 935թ. Գորգանում (Վրկան) և Թարարիստանում Ջիյարիների դինաստիայի (928-1042թթ) հիմնադիր Մարդավիչ իրն Ջիյարի սպանությունից հետո նրա վարձկան զորքերի հրամանատարներ դիմիկ Իրն Բուվայիի (Բուի) երեք եղբայրները՝ Ալին, Հասանը և Սիմադը տիրեցին Արևմտյան Իրանին (И. Петрушевский, История Ирана, М., 1971г., с. 138-139): Դրանով Արևմտյան Իրանում հաստատվեց Բուիների իշխանությունը (935-1055թթ) և սպառնալիքի տակ դրվեց Աբբասյան արքունիքը: 945թ. դեկտեմբերին Սիմադը հարձակվեց Բաղդադի վրա և հեշտությամբ գրավեց արաբական Իրաքը: Սարսափահար ալ-Մուսաբաքֆի խալիֆան հարկադրված ընդունեց Բուի զորավարին և հրապարակայնորեն նրան շնորհեց «Ամիր ալ-ումարա» (իշխանաց իշխան) տիտղոսը, ինչպես նաև «Մուիզ ադ-Դաուլա» պատվավոր լակաբը՝ կոչումը (Կ. Բրոքելման, Թարիխ աշ-շուր ալ-խալամիյա, Բեյրութ, 1968, էջ. 245): Նման լակաբներով պարգևատրվեցին նաև Սիմադի մյուս երկու եղբայրները՝ Ալին և Հասանը (Իրն ալ-Ասիր, ալ-Ջամեկ ֆիթ-թարիխ, VI, ալ-Կահիրա, 1353, ս. 314): Դրանով քաղաքական ռդջ իշխանությունն անցավ բուիներին, որի հետևանքով, փաստորեն, շուրջ երկու հարյուր տարի (945-1132թթ) խալիֆայության գոյությունը ձևական բնույթ կրեց: Սահնեդական աշխարհում ճանաչվեց միայն նրա հոգևոր իշխանությունը և իր գոյությունը պահպանելու համար նա սկսեց բուիներին շոայլել պատվավոր տիտղոսներ (Կ. Բրոքելման, Թարիխ, ս. 246): Բուիների պետության հիմնական կենտրոնները դարձան Բաղդադը և նրանց մայրաքաղաք Շիրազը:

4. К. Босворт, Нашествия варваров: появление тюрков в мусульманском мире.- "Мусульманский мир - 950-1150", М., 1981г., с.27.

5. Стенли Лен-Пул, Мусульманские династии, СПб, 1899, с. 114; է. Յամրառեր, ալ-Ամար ուա-լ-նաուրաթ ալ-հաբիմա ֆիթ-թարիխ ալ-խալամի, ալ-Կահիրա, 1951, ս. 321:

6. Cl. Cahen, Hasnaway.- "The Encyclopaedia of Islam (EI)", III, London, 1966, p. 258-259; V. Minorsky, Kurdistan and Kurds (EI), II, London, 1927, p. 1137.

7. Մուհամմադ Ամին Ջաքի, Թարիխ ադ-դաալ աա-լ-իմարաթ ալ-քուրդիյա ֆի-լ-ահդ ալ-խալամի, ալ-Կահիրա, 1948 (արաբ.), ս. 69-89:

8. Ջալիլա Նաջի ալ-Հաշիմի, ալ-Իմարա ալ-Հասանվայիիյա ֆի ադ-Դիմաուար ուաշ-Շահրեզուր, 348-406.- «Մաջալաթ ալ-մաջմաա՝ ալ-իլմի ալ-քուրդի», III, I, Բաղդադ, 1975 (արաբ.), ս. 729-749:

9. Ibn Miskawaihi: The Experiences of the Nations, Ed. by H.F. Amidroz, II, Oxford, 1921.

10. Abu Shuja' Rudhrawari; Continuation of the Nations, Ed. by H.F. Amidroz and D.S. Margolious, III, Oxford, 1921.

11. Իրն ալ-Ջաուզի, Ալ-Մունթազամ ֆի քարիխ ալ-մուլուք, VII, Հայդարաբադ, 1357 (արար.):

12. ալ-Ասիր, ալ-Ջամե' ֆիք-քարիխ, VI-VII, ալ-Կահիրա, 1353 (արար.):

13. Իրն Խալլուն, Քիթաբ ալ-իթր աա-դիտամ ալ-մուքթադա ուա-լ-խաբար, IV, ալ-Կահիրա, 1284 (արար.):

14. Ջասիր, ալ-Բիդայա տամ-միհայա ֆիք-քարիխ, XI, ալ-Կահիրա, 1932 (արար.):

15. Ibn Miskawaihi, II, p. 270-271; Իրն ալ-Ասիր, VII, էջ 37-38, Իրն Խալլուն, IV, էջ. 445-446:

16. Шараф-хан Бидлиси, Шараф-наме, I, с. 90.

17. Իրն ալ-Ասիր, VII, էջ 101, Իրն Խալլուն, IV, էջ. 454, 512-513:

18. Աշխարհագիր Յակուբը գրում է, որ «Մարմաջը լեռներում Համադանի և Խուզիսաանի միջև ընկած ամրացված քերդ է» (Shu' Յակուբ, III, էջ 215): «Մարմախ» ձևով, որը կարծում ենք գրչական սխալ է, համոզիպում ենք Արու Դուլաֆի մոտ: Այն, ըստ աշխարհագրի, մի քրդի կողմից փորագրվել է ժայռի վրա: Նրա շարադրանքից երևում է, որ այն կառուցվել է Արու Այյուբ գյուղի մոտ (Абу Дулаф, Вторая записка, с. 25): Եվրոպացի հայտնի արևելագետ Լը Ստրենցը նշում է, որ մինչև օրս հայտնի չէ այս քերդի գտնվելու վայրը: Ամենայն հավանականությամբ այն պետք է գտնված լիներ Դիմավարի կողքը (Լը Ստրենց, էջ 224):

19. Իրն ալ-Ասիր, VII, էջ 101, Իրն Խալլուն, IV, էջ 454:

20. Ստեմի Լեն-Պուլը դինաստիայի հիմնադրումը թվագրել է մոտավորապես 959թ. (Лен-Пул, Мусульманские династии, с. 114): Ամհիմն է Մ.Ա. Ջաքիի կարծիքը, որ իբր իշխանությունը հիմնադրվել է 941թ. Հասանվայիի հոր՝ Հոսեյնի կողմից (Մ.Ա. Ջաքի, Թարիխ): Նույն սխալմունքը թույլ է տվել պատմաբան աս-Սադաֆին՝ իշխանությունը կոչելով ալ-Հոսայնիյա (աս-Սաֆադի, Դուալ ալ-խլամ, I, ս.246): Հայտնի արևելագետ Է. Յամբառերն ու իրաքցի պատմաբան Ջալիլա ալ-Հաշիմին իշխանության հիմնադրումը թվագրել են հիջ. 348 (959/60)թ. (Յամբառեր, էջ 321; Ջ. ալ-Հաշիմի, էջ 729):

21. Ջեյդան, Թարիխ աք-թամադդուն ալ-խլամի, IV, ալ-Կահիրա, 1905, ս.178:

22. Ibn Miskawaihi, v. II, p. 270; Իրն ալ-Ասիր, VII, էջ 37, Իրն Խալլուն, IV, էջ 445, 512-513:

23. Նույն տեղում:

24. Նույն տեղում:

25. Իրն ալ-Ասիր, VII, էջ 37:

26. Ibn Miskawaihi, v. II, p. 270.

27. Նույն տեղում:

28. Ibn Miskawaihi, II, p. 270-271; Իրն ալ-Ասիր, VII, էջ 37, Իրն Խալլուն, IV, էջ 445-446:

29. Նույն տեղում:

30. Ibn Miskawaihi, II, p. 273-274; Իրն ալ-Ասիր, h. VII, էջ 37-38, Իրն Խալլուն, h. IV, էջ 446:

31. Шараф-хан Бидлиси, Шараф-наме, I, М., с. 90.

32. Ibn Miskawaihi, II, p. 274: Իրն ալ-Ասիրն ու Իրն Խալլունը խոսում են Արու-լ-Ֆաթիհին՝ Հասանվայիի վճարած գումարի մասին, քայք չեն նշում ստույգ չափը: Shu' Իրն ալ-Ասիր, VII, էջ 38, Իրն Խալլուն, IV, էջ 446:

33. Ibn Miskawaihi, V. II, p. 274.
34. Шараф-хан Бидлиси, Шараф-наме, I, М., с. 90.
35. Ibn Miskawaihi, II, p. 361-364.
36. Կ. Բրոքհիլման, էջ 246:
37. Shu' Ibn Miskawaihi, II, p. 364-366, 371, 375-376.
38. Նույն տեղում:
39. Նույն տեղում, էջ 365-366:
40. Նույն տեղում, էջ. 365, 376: Shu' մակ Իրն Խալլուն, IV, էջ 452:
41. Նույն տեղում, էջ 377-378:
42. Նույն տեղում, էջ 414-415:
43. Նույն տեղում, էջ 415:
44. Նույն տեղում, էջ 415: Նակ Իրն ալ-Ասիր, VII, էջ 101, Իրն Խալլուն, IV, էջ. 454, 513:
45. Նույն տեղում:
46. Ibn Miskawaihi, II, p. 415-416, Abu Shuja Rudrawari, III, p. 9-10: Shu մակ Իրն ալ-Ասիր, VII, էջ 102, Իրն Խալլուն, IV, էջ. 513-514:
47. Նույն տեղում: Shu' Cl. Cahen, Hasnawayh, p. 258.
48. Իրն ալ-Ջաուզի, VII, էջ 271:
49. Իրն ալ-Ասիր, VII, էջ 274:
50. Шараф-хан Бидлиси, Шараф-наме, I, с. 91.
51. Abu Shuja Rudhrawari, III, p. 9: Shu' Իրն ալ-Ասիր, VII, էջ 112:
52. Նույն տեղում, էջ 11-12: Shu' Իրն ալ-Ասիր, VII, էջ 104, Իրն Խալլուն, IV, էջ. 513-514:
53. Իրն Ջասիր, XI, Կահիրե, 1932 p., էջ 354, Իրն ալ-Ջաուզի, VII, էջ 272:
54. Նույն տեղում: Shu' Abu Shuja Rudhrawari, III, p. 287-291.
55. Կ. Բրոքհիլման, էջ 246:
56. Իրն Խալլուն, IV, էջ 514:
57. Իրն ալ-Ասիր, VII, էջ 119:
58. Նույն տեղում, էջ 120:
59. Shu' Abu Shuja Rudhrawari, III, p. 139-140; Իրն ալ-Ասիր, VII, էջ 132; Իրն Խալլուն, IV, էջ 514:
60. Նույն տեղում:
61. Նույն տեղում:
62. Իրն ալ-Ասիր, VII, էջ 139:
63. Cl. Cahen, Hasnawayh, p. 258:
64. Abu Shuja Rudhrawari, p. 310:
65. Իրն ալ-Ասիր, VII, էջ 229:
66. Իրն ալ-Ասիր, VII, էջ 232-233; Իրն Խալլուն, IV, էջ. 514-515:
67. Նույն տեղում:
68. Իրն ալ-Ասիր, VII, էջ 233-234:
69. Նույն տեղում, էջ. 234, 237-238:
70. Իրն ալ-Ասիր, VII, էջ. 247-248, Իրն Խալլուն, IV, էջ. 515-516:
71. Նույն տեղում:
72. Իրն Խալլուն, IV, էջ. 515-516: Shu մակ Իրն ալ-Ջաուզի, VII, էջ 273:
73. Բադրի թողարկած դրամներն առաջին անգամ հրատարակվել են Եվրոպացի արևելագետ-դրամագետ Գ. Սալյիի կողմից: Shu' Cl. Cahen, Hasnawayh, EI, III, p. 258:

74. Իրն ալ-Ասիր, VII, էջ 271, Իրն Խալդուն, IV, էջ 516:
75. Նույն տեղում:
76. Նույն տեղում, էջ 273:
77. Նույն տեղում, էջ 272-274:
78. Նույն տեղում:
79. Նույն տեղում, էջ 280: Տես նաև՝ Իրն Խալդուն, IV, էջ. 516-517:
80. Шараф-хан Бидлиси, Шараф-наме, I, с. 92:
81. Abu Shuja Rudhrawari, III, pp. 278-291. 297-299: Իրն ալ-Ասիր, VII, էջ 104, Իրն Խալդուն, IV, էջ 514; Իրն Թաղրիբիբի, IV, էջ 169, Իրն Քասիր, XI, էջ. 353-354, Իրն ալ-Ջաուզի, VII, էջ. 271-272:
82. Նույն տեղում:
83. Նույն տեղում:
84. Abu Shuja Rudhrawari, III, p. 288:
85. Նույն տեղում:
86. Նույն տեղում, էջ 290:
87. Իրն Քասիր, XI, էջ 354, Իրն ալ-Ասիր, VII, էջ 272:
88. Նույն տեղում:
89. Այդ մասին տես՝ Manoochehr Sotoodeh, Drei Kufische Inschriften aus Iran,- Zeitschrift der Deutschen Morgenländischen Gesellschaft,- 125,2,1975, S.315:
90. Նույն տեղում:
91. Նույն տեղում, էջ 335-336:
92. Նույն տեղում, էջ 316:
93. Abu Shuja° RudNrawari, III, p. 287: Իրն ալ-Ասիր, VII, էջ. 271-272, Իրն Քասիր, XI, էջ.353-354, Իրն Թաղրիբիբի, IV, էջ. 169, 255, ալ-Համբալի, Շազարաթ ազ-զահաթ, III, ս.137: Այս կապակցությամբ Ջաուզին գրում է. «Յուրաքանչյուր տարի Բաղրը 1000 դինար էր հատկացնում, որպեսզի 20 մարդ ուխտագնացության (հաջ) գնար իր մոր և Աղուդ ադ-Դաուլայի փոխարեն, քանի որ նա էր (իմա՝ Աղուդ ադ-Դաուլան-Ա. Փ.) պատճառ դարձել նրա իշխանության գլուխ անցնելուն: Յուրաքանչյուր ուրբաթ նա չքավորներին և այրիներին, իբրև սադակա (քարեգործական նվիրատվություն), տալիս էր 10000 դիրհեմ: Յուրաքանչյուր տարի նա ծախսում էր 3000 դինար, որպեսզի Համադանի և Բաղդադի կոշկակարները կոշիկ պատրաստեն հաջ մեկնողների համար: Ամեն ամիս Բաղրը ծախսում էր 20000 դիրհեմ մեռածներին սավանդելու վրա: Յուրաքանչյուր ամիս նա ծախսում էր 20000 դիրհեմ կամուրջներ կառուցելու վրա: Իր տարածքներում նա կառուցեց 3000 մզկիթ և իջևանատուն՝ օտարերկրացիների համար...Յուրաքանչյուր տարի Բաղրը 100000 դինար էր ուղարկում ալ-Հարամայնի (այսինքն, երկու սրբավայրերի՝ Մեքքայի և Մեդինայի - Ա.Փ.) բնակչության ողորմությունների, ճանապարհների պաշտպանության և այլ կարիքների համար: Նա գումարներ էր նվիրաբերում ավազանների կառուցմանը, ջրերի մաքրմանը, ճանապարհին սննդի հայթայթմանը, բնակչությանը հրահանգելով կատարել այդ ամենը: Նա ալ-Հարամայն (երկու սրբավայրեր), Քուֆա և Բաղդադ գումարներ էր ուղարկում՝ վերակացուներին, ֆակիհներին, գրականագետներին, աղքատներին և աղոթատների սպասավորներին քաժանելու համար: Երբ նա վախճանվեց, այդ ամենին վերջ տրվեց, և դա ազդեց նրա ընտանիքի վիճակի վրա, ուխտագնացությունը դադարեց: Բաղրը շատ էր աղոթում և փառաբանում Աստծուն...» (Իրն ալ-

Ջաուզի, VII, էջ. 271-272): Բացի այդ, 385թ. (995 թ.), շուրջ 20 տարի, Բաղրը կանոնավոր ամեն տարի հսկայական զոմարներ էր ուղարկում ավագակապետերին՝ ուխտագնացներին չվնասելու և չթալանելու համար (Abu Shuja' Rudhrawari. III, p. 287; Իրն ալ-Ջաուզի, VII, էջ. 271-272, Իրն Ջասիր, XI, էջ. 353-354, Իրն Թադրիբի-դի, IV, էջ. 169, 255, ալ-Հանրալ, Շազարաթ ազ-զահար, III, ս.137):

94. Այդ մասին ավելի մանրամասն տես՝ А. Поладян, Курды, с.66-73: Նույնի՝ Իսլամի տարածումը քրդերի մեջ VII-Xդդ. (ըստ արաբական աղբյուրների).- Մերձավոր և Սիջին Արևելքի երկրներ և ժողովուրդներ, VIII, Եր., 1985, էջ. 156-173:

95. Իրն ալ-Ասիր, VII, էջ. 193-195; Իրն Խալդուն, IV, էջ 514; Шараф-хан Бидлиси, Шараф-наме, I, с. 91; Իրն ալ-Ասիր, VII, էջ 271, Իրն Ջասիր, XI, էջ 353, ալ-Հանրալ, Շազարաթ, III, էջ 173:

96. Նույն տեղում:

97. Իրն Ջասիր, XI, էջ 353: